

O convulso urbanismo de Gondomar remata unha vez máis en sede dun xulgado penal.

Escrito por Redaccion @valminorinfo
Venres, 02 Agosto 2013 03:05

-A Fiscalía acusa ao ex alcalde popular Martín Urgal e ao responsable de urbanismo, Alfonso de Lis dun presunto delito continuado de prevaricación urbanística.

- [Alfonso de Lis defende a súa inocencia e afirmou a Valminor.info que: “ Lo único que hice para enfrentar el bloqueo en el que se encontraba Urbanismo fue aplicar la normativa vigente y el sentido común ”.](#)
[Ao mesmo tempo deslindou calquera similitude cos casos de corrupción que afectaron o goberno do tamén ex alcalde gondomareño do PP, Carlos Silva.](#)

- O concelleiro Antonio Araújo será unha das testemuñas que presentará a Fiscalía na audiencia penal que terá lugar os vindeiros 22 e 23 de outubro.

- [O BNG pide a comparecencia do actual alcalde de Gondomar, o popular Fernando Guitián, para que de explicacións sobre as actuacións de membros do seu partido no caso](#) .

A Fiscalía pide 2 anos de prisión, 22.500 euros de multa e 8 anos de inhabilitación para exercer emprego o cargo público para o ex alcalde popular de Gondomar, Martín Urgal (2009 – 2011) e o seu concelleiro de urbanismo, Alfonso de Lis en razón dun presunto delito continuado de prevaricación urbanística. O litixio orixínase [nun conflito mantido polos acusados coas entón Secretaria Municipal e a Técnica de Urbanismo](#)

que rematara cun decreto da alcaldía de afastamento das mesmas das súas funcións urbanísticas,

[as que foron delegadas a un consultor externo, o letrado vigués José Martínez Torea](#), a quen a Fiscalía tamén responsabiliza en calidade de “cooperador necesario”.

Por outra banda, a Fiscalía pide ao xuíz que declare nulas as resolucións de alcaldía tomadas entre o 22 de febreiro e o 10 de xuño de 2011, que outorgaron próximo a 38 licenzas urbanísticas en “*expedientes tramitados sin el preceptivo dictamen jurídico municipal*”, por mor do devandito afastamento das técnicas. Así como a nulidade do contrato “*menor de servicio de asistencia jurídica*

”, que beneficiou a Martínez Torea, cun importe de 17.500 euros e que segundo a fiscalía tiña por fin obter informes xurídicos favorables e evitar “

la intervención de las técnicas jurídicas municipales

”.

O convulso urbanismo de Gondomar remata unha vez máis en sede dun xulgado penal.

Escrito por Redaccion @valminorinfo
Venres, 02 Agosto 2013 03:05

A acusación da Fiscalía formalizada a finais de maio orixinouse nunha denuncia presentada polas técnicas municipais ao ser afastadas das súas responsabilidades. Para a súa documentación contou ademais cunha achega de información que presentou por vontade e a título persoal o concelleiro nacionalista Antonio Araújo, quen perdera a alcaldía de Gondomar en xuño de 2009, por mor dunha moción de censura pactada polo PP e catro concelleiros do PSOE liderados por de Lis, que precisamente levou a Martín Urgal como rexedor, e a posterior declaración de “tránsfugas” e a pasaxe como non adscritos dos concelleiros socialistas.

A acusación será procesada polo Xulgado Penal número 2 de Vigo, os vindeiros 22 e 23 de outubro na que deberán comparecer , entre outros, ademais dos denunciados, o concelleiro nacionalista Antonio Araújo, en calidade de testemuña.